

METODOLOGJIA E LLOGARITJES SË TARIFËS PËR SHËRBIMIN E RIGAZIFIKIMIT PËR OPERATORIN E SISTEMIT TË GNL-SË

Neni 1 Baza Ligjore

Kjo metodologji hartohej në zbatim të neneve 16 pika 1 dhe 32 pika 1 të Ligjit nr. 102/2015 “Për Sektorin e Gazit Natyror”, i ndryshuar, si dhe nenit 26 të “Rregullores për Organizimin, Funksionimin dhe Procedurat e ERE-s”.

Neni 2 Qëllimi

Qëllimi i kësaj metodologje është përcaktimi i kritereve kushteve dhe i mënyrës së llogaritjes së tarifës për shërbimin e rigazifikimit të realizuar nga operatori i sistemit të GNL-së bazuar në parime të qarta të llogaritjes së kostove që lidhen me këtë shërbim si dhe detajimi i të dhënave të nevojshme për përcaktimin e tarifave të drejta dhe transparente, në përputhje dhe me parimet dhe rregullat e miratuara në metodologjinë e llogaritjes së tarifave të rrjetit të gazit natyror të miratura me vendimin e bordit të ERE-s nr. 78, datë 26.05.2017 si dhe akteve të tjera irregullatore që parashikojnë aktivitetin e Operatorit të sistemit të GNL-së.

Neni 3 Fusha e zbatimit

3.1 Kjo metodologji do të zbatohet për operatorët e Sistemit të GNL-së, të cilët janë persona juridikë, të licencuar nga ERE, dhe:

- a) i përkasin sistemit kombëtar të gazit siç përcaktohet në këtë metodologji dhe operojnë, mirëmbajnë e zhvillojnë një impiant GNL-je;
- b) kanë marrë miratimin për përdorimin e impianteve ekzistuese të sistemit në përputhje me nenin 11 dhe nenin 69 të Ligjit nr. 102/2015 “Për Sektorin e Gazit Natyror”, të ndryshuar;
- c) u nënshtrohen rregullave të përgjithshme për aksesin dhe sigurimin e shërbimit të rigazifikimit nga impiantet e GNL-së, sipas nenit 68 dhe nenit 74 të Ligjit nr. 102/2015 “Për Sektorin e Gazit Natyror”, të ndryshuar;
- d) shkarkojn dhe rigazifikojn GNL-në, sipas kontratave të nënshkruara.

Neni 4 Përkufizime

Termat e përgjithshëm të përdorura në këtë metodologji janë marrë nga Ligji nr. 102/2015 “Për Sektorin e Gazit Natyror” i ndryshuar. Ato kanë kuptimet e mëposhtme:

“Rigazifikim” është procesi i ngrohjes së GNL-së deri në kthimin e tij në gjendje të gaztë.

“Implant GNL-je” është terminali që përdoret për lëngëzimin e gazit natyror ose importin, eksportin, shkarkimin apo rigazifikimin e GNL-së, përfshirë shërbimet ndihmëse dhe depozitat e përkohshme, të nevojshme për procesin e rigazifikimit dhe lëvrimin e mëtejshëm në sistemin e transmetimit, pa përfshirë pjesët e terminaleve të GNL-së, që përdoren për depozitim.

“Operator i sistemit të GNL-së” është subjekti, i cili kryen veprimtarinë e lëngëzimit të gazit natyror ose importin, eksportin, shkarkimin e rigazifikimin e GNL-së dhe është përgjegjës për operimin e impiantit të GNL-së.

“Lëngëzim i gazit natyror” është procesi i ftohjes së gazit natyror në kushte normale, deri në temperaturën -163o C, derisa ai të shndërrohet në gaz natyror të lëngëzuar (GNL).

“Metodologji e tarifave” është akti që përcakton kushtet dhe mënyrën e llogaritjes së tarifave të veprimtarive të rregulluara të gazit natyror.

“Tarifë” është çmimi i shërbimit të ofruar nga subjektet që kryejnë veprimitari të rregulluara në transmetimin dhe shpërndarjen e gazit natyror, dhe impiantet e GNL-së, i vendosur në bazë të metodologjisë së llogaritjes së tarifave.

“Baza e Rregulluar e Aseteve (RAB)” është vlera e aseteve fikse në pronësi të opertorit të GNL-së që përdoren për të siguruar shërbimin e hyrjes dhe rigazifikimit në impiantet e GNL-së.

“Periudha rregullatore” është periudha përmes të cilës tarifat e reja hyjnë në fuqi dhe rregullohen sipas vendimit të marrë nga Enti Rregulator i Energjisë, pas një shqyrtimi të plotë dhe të detajuar të aplikimit të tarifave të paraqitura nga operatori i GNL-së.

“Viti bazë” është viti i parë i periudhës rregullatore.

“Viti i testimit” është një periudhë 12 mujore përpëra periudhës rregullatore, e cila përdoret si bazë e përcaktimit të të ardhurave të kërkua të vitin bazë.

“Faktori i përmiresimit të eficencës (faktori X)” është përqindja vjetore e reduktimit në koston e shërbimit të lëngëzimit të gazit natyror, që rezulton nga përmirësimet, eficencia e shërbimit dhe përmirësimet në teknologji.

Neni 5

Parimet e vendosjes së Tarifave

5.1 Përcaktimi i tarifave sipas kësaj metodologjije do të bazohet në metodën e Normës së Kthimit të Pritshme të Investimit (RoR). Operatorit të sistemit të GNL-së do t'i lejohet të mbulojë kostot e justikuara për rrjetin si dhe një kthim mbi investimin. Pas hyrjes në operim, nëse

periudha rregullatore do të jetë më shumë se një vit, atëherë përcaktimi i tarifave sipas kësaj metodologjje do të bazohet në metodën e Çmimit Tavan “Price Cap”

- 5.2 Tarifat do të vendosen sipas parimit të kostove të drejta dhe të arsyeshme.
- 5.3 Operator i sistemit të GNL-së do të zbatojë rregullat e kësaj metodologjje për qëllimin e përcaktimit të tarifave nga ERE.
- 5.4 ERE do të miratojë tarifat e shërbimit të rigazifikimit për operatorin e sistemit të GNL-së kur të plotësohen kushtet dhe parimet e kësaj metodologjje.
- 5.5 Tarifat e e shërbimit të rigazifikimit për operatorin e sistemit të GNL-së të miratuara nga ERE do të jenë të vlefshme për një periudhe ushtrimore (1 vjeçare), për periudhën e parë rregullatore, si dhe do të jenë në përputhje me periudhën rregullatore të zbatuar për operatorët e rrjetit të transmetimit dhe të shpërndarjes.
- 5.6 Shmangia nga çdo parashikim i kësaj metodologjje do të çojë në refuzimin nga ERE të aplikimit për tarifë të Operatorit te sistemit të GNL-së, përvèc rasteve kur është e justifikuar për arsy madhore.
- 5.7 Tarifat e shërbimit të rigazifikimit për operatorin e sistemit të GNL-së do të llogariten dhe miratohen nga ERE në bazë të kostove të argumentuara që Operator i sistemit të GNL-së përdor për realizimin e aktivitetit dhe që janë në përputhje me këtë metodologji.
- 5.8 Kostot dhe tarifat e shërbimit të rigazifikimit për operatorin e sistemit të GNL-së do të llogariten në bazë të dhënavë të përfituar nga viti i mëparshëm i aktivitetit të operatorit të rrjetit.
- 5.9 Për operatorin e shërbimit të rigazifikimit i cili operon për here të parë, vlerësimi i kostove të shërbimit të rigazifikimit për periudhën pasardhëse do të mbështetet bazuar në realizimin dhe parashikimin e kostove dhe shpenzimeve të argumentuara për vitin aktual.
- 5.10 Tarifat e shërbimit të rigazifikimit për operatorin e sistemit të GNL-së do të pasqyrojnë kostot e shërbimit.
- 5.11 Tarifat e shërbimit të rigazifikimit për operatorin e sistemit të GNL-së do të llogariten në mënyrë të tillë që, në fund të periudhës rregullatore, diferenca ndërmjet kostove reale të shërbimit (të ardhurave të realizuara) dhe atyre të lejuara nëpërmjet tarifës të jetë sa më e vogël.
- 5.12 Tarifat e shërbimit të rigazifikimit për operatorin e sistemit të GNL-së duhet të nxisin përdorimin me eficencë të aseteve të GNL-së.
- 5.13 Kostot e lejuara që kanë shërbyer për përcaktimin e tarifave së shërbimit të rigazifikimit publikohen nga ERE për arsyet e transparencës ndaj të gjithë përdoruesve.

- 5.14 Tarifat e shërbimit të rigazifikimit për operatorin e sistemit të GNL-së duhet t'i lejojnë Operatorit të sistemit të GNL-së të përfitojë normën e lejuar të kthimit mbi bazën e rregulluar të aseteve të miratuara nga ERE.

Neni 6

Të ardhurat e kërkua e për shërbimin e rigazifikimit të GNL-së

- 6.1 Të Ardhurat e Kërkua llogariten çdo vit dhe përfshijnë kostot e operative dhe kapitale të aktivitetit të rigazifikimit bazuar në informacionin kontabël sipas Standarteve Kombëtare të Kontabilitetit.
- 6.2 Të ardhurat e kërkua për mbulimin e shërbimit të rigazifikimit të GNL-së për çdo vit të periudhës rregullatore, do të jenë të barabarta me shumën:
- kthimin mbi kapitalin e investuar neto të njobur nga rregulatori;
 - amortizimin;
 - kostot e njobura të operimit (OPEX);
 - kostot e rimontimit të impiantit nëse ka.
- Nëse periudha rregullatore do të jetë më shumë se një vjecare, atëherë në të ardhurat e kërkua do të konsiderohen dhe:
- të ardhurat e zbritëshme të vitit t-2;
 - korigjime të të ardhurave të periudhave të ndryshme në periudhën t.
- 6.3 Në rast se ofrimi i shërbimit fillon gjatë vitit, vlera e të ardhurave të njobura përcaktohet në përputhje me ditët në të cilat shërbimi vihet aktualisht në dispozicion.

- 6.4 Operator i sistemit të GNL-së gjatë procesit të aplikimit për tarifë duhet të paraqesi diferençat në të ardhurat e kërkua që rezultojnë nga pasqyrat financiare me të ardhurat e lejuara, për rezultatet paraprake në lidhje me vitin **t-1**. Këto diferenca ne (+) ose (-) që vijnë nga periudhat e mëpareshme rregullatore do të konsiderohen si të arësyeshme dhe do të përfshihen në të ardhurat e kërkua të periudhës që rishikohet t.

Neni 7

Kthimi në Kapitalin e Investuar

- 7.1 Njohja e vlerës së aseteve fiksë bëhet me kusht që investimet përkatëse të jenë në përputhje me efikasitetin dhe sigurinë e sistemit.
- 7.2 Për qëllimin e përcaktimit të kapitalit të njobur neto të investuar për vitin e testimit për Operatorin e sistemit të GNL-së:
- Llogaritet vlera e aseteve fiksë neto;
 - Shtohet vlera e kapitalit të punës neto, ose 1/12 e OPEX-it në mungesë të kostove historike;
 - Zbritet vlera e aseteve të përfituara nëpërmjet dhurimit ose të ndërtuara me burime financiare të konsumatorëve të gazit të lëngshëm;

- d) Zbritet vlera e granteve kapitale të disbursuara në çdo vit nga organet publike ose private për ndërtimin e infrastrukturës.

7.3 Për qëllimin e përcaktimit të vlerës së aseteve fikse neto për Operatorin e sistemit të GNL-së do të zbatohet formula:

$$\mathbf{RAB = A + B + C - D}$$

ku:

- A** - do të jetë vlera e mbetur e aseteve fikse të trupëzuara të nevojshme për operimin e GNL-së të llogaritura me koston historike të blerjes në fillim të periudhës rregullatore në vitin; **(t-2)** (pas zbritjes së shumës së amortizimit të aseteve);
B - vlera e aseteve që priten të hynë në operim në vitin **(t-1)**;
C - shtesat e reja të investimeve që parashikohen të realizohen në vitin **(t)**;
D - do të llogaritet vlera e amortizimit, sipas metodës së jetëgjatësisë së asetit, që buron nga shuma e produkteve të rritjeve të kapitalit të përmendura në pikën “**B**” dhe “**C**” përqindjet përkatëse të amortizimit.

7.4 Operator i sistemit të GNL-së që kryen shërbimin e rigasifikimit përmes infrastrukturave në pronësi të subjekteve të ndryshme, llogarit të ardhurat e referencës duke marrë parasysh, për qëllime të llogaritjes së aktiveve fikse, të dhënat nga pasqyrat financiare të ketyre subjekteve.

7.5 Gjatë periudhës rregullatore pas vitit të testimit, pjesa e të ardhurave që mbulon kthimin e kapitalit të njojur të investuar përditësohet duke marrë parasysh:

- investimet e hyra në operim gjatë vitit paraardhës të vitit të paraqitjes së propozimit tarifor t-1;
- investimet që pritet të hyjnë në operim në vitin e prezantimit të propozimit të tarifave në bazë të rezultateve paraprake;
- grante per shpenzime kapitale të marra për realizimin e investimeve;
- rritjen e amortizimit në bazë të jetëgjatesise të aseteve fikse.

7.6 Kthimi i lejuar mbi kapitalin pas taksave do te merret norma bazë e interesit si dhe një premium për riskun specifik të Operatororit te sistemit të GNL-së . Norma bazë e interesit merret vlera e bonove të thesarit të publikuara nga Banka e Shqipërisë.

7.7 Kthimi mbi kapitalin pas taksave do të vendoset nga ERE, dhe do të publikohet në fillim të vitit në të cilin Operatori i sistemit të GNL-së fillon aktivitetin.

Neni 8

Amortizimi i lejuar

8.1 Për qëllimet e përcaktimit të amortizimit të lejuar për vitin **t**, Operator i sistemit të GNL-së:

- llogarit asetet fikse bruto të kategorive individuale të aseteve në operim deri më 31 dhjetor të atij viti;
- zbret nga asetet fikse bruto të kategorive individuale të aseteve të përfshira nëpërmjet granteve;

- c) përcakton amortizimin vjetor si një raport i vlerës së përmendorur në shkronjën (a) dhe (b), për secilën kategori të asetit, ndaj jetëgjatësisë së asetit ose jetëgjatësisë së percaktuar nga Rregullatori;
- d) shton amortizimin vjetor të përmendorur në shkronjën (c) amortizimit të akumuluar për periudhat paraardhëse.

Neni 9

Kostot operative

- 9.1 Pjesa e të ardhurave për të mbuluar kostot operative përcaktohet, për vitin kur Metodologjia të jetë e aplikueshme nga shoqëritë, në bazë të kostove operative të shkaktuara nga Operatori i sistemit të GNL-së. Kostot aktuale të operimit përfshijnë të gjithë zërat e kostove të një natyre të përsëritur, faktike dhe që i atribuohen shërbimit të rigazifikimit dhe GNL dhe përcaktohen në bazë të llogarive vjetore sipas Pasqyrave Financiare të Audituara.
- 9.2 Në rast të diferencave të konsiderueshme të tepërtë ndërmjet zërave të artikujve të kostos të kerkuar për periudhën rregullatore dhe atyre të ndodhura në vitet e mëparshme, dhe ku nuk justifikohen nga kompania e rigazifikimit/GNL, kostot aktuale të funksionimit, do të përcaktohen bazuar në një mesatare të këtyre kostove në vitet e mëparshme duke përjashtuar ato kosto që nuk kanë natyrë përsëritëse dhe që nuk janë të argumentuara apo të arsyeshme.
- 9.3 Kostot aktuale do të llogariten sipas fomulës:

$$\mathbf{OPEX = C \ mirëmbajtje + C \ paga + C \ përgjithshme + C \ energjie + C \ kostot \ në \ lidhje \ me \ gazin \ ftohës/mbushës + C \ Konsumi \ teknologjik \ dhe \ humbjet \ në \ procesin \ e \ rigazifikimit}$$

Ku:

- C mirëmbajtje** - përfshin kostot e operimit (mirëmbajtje, shërbime, riparime dhe të tjera);
- C paga** - përfshin kostot e operimit (kostot e personelit);
- C përgjithshme** - përfshin shpenzime të përgjithshme (qira, siguracione dhe të tjera);
- C energjie** - përfshin kostot e energjisë elektrike;
- C kostot në lidhje me gazin ftohës/mbushës** - kostot në lidhje me gazin ftohës/mbushës, i cili shërben si rezervë dhe është i domosdoshëm nga ana teknologjike për të mundësuar realizimin e rigazifikimit do të përcaktohet i barabartë me vlerën e blerjes që rezulton nga procedurat që respektojnë parimin e efektivitetit të kostos së blerjeve të bëra;
- C konsumi teknologjik dhe humbjet në procesin e rigazifikimit** - kostot për të mbuluar vetëkonsumin dhe humbjet në procesin e rigazifikimit.

Me qëllim që ERE të vlerësojë nëse këto kosto janë të arsyeshme dhe të justifikuara, Operatori i Sistemit të GNL-së duhet të përcjellë, një benchmark të kostove të përmendura në pikën 9.3 të realizuara nga shërbimi i rigazifikimit nga operatorë të ngjashëm që operojnë në rajon apo më gjërë.

- 9.4 Pjesa e të ardhurave totale të kërkua të për shërbimin e rigazifikimit që i atribuohen kostove operative:

- a) për vitin e parë të ofrimit efektiv të shërbimit të rigazifikimit, të ardhurat e kerkuara propozohen nga Operator i sistemit të GNL-së dhe i nënshtronen verifikimit nga ERE. Ky propozim duhet të përfshijë te dhena te krahasueshme ose dëshmi të që provojnë përpjekjet për minimizimin e kostove si dhe:
- i. dallimin, për secilin artikull të kostos operative, midis kostove fiksë dhe variabile,
 - ii. çdo dallim midis kostove operative që i atribuohen drejtpërdrejt funksionimit impiantit dhe kostove administrative dhe strukturore;
- b) për vitet e periudhës rregullatore pas fillimit të ofrimit të shërbimit, përcaktohet duke filluar nga vlerësimi i propozuar nga Operatori i Sistemit GNL-së, nga disponueshmëria e të dhënavë përfundimtare në lidhje me kostot aktuale të funksionimit që mund të nxirren nga Pasqyrat Financiare që përfaqëson një vit të plotë, bazuar në pasqyrat financiare të audituara për vitin e kaluar dhe llogaritë e unifikuara të paraqitura në përputhje me rregulloren përkatëse.

9.5 Në rastet kur periudha rregullatore është disa vjeçare atëherë tarifa e shërbimit të rigazifikimit për operatorin e sistemit të GNL-së për vitet pas vitit bazë do të korrigohet si më poshtë:

Për vitin e dytë të ciklit të vlerësimit të tarifave (Viti 2), tarifa mesatare për vitin bazë shumëzohet me faktorin vjetor të rregullimit:

$$A = (1 + RPI - X)$$

A - është faktori i rregullimit vjetor.

RPI-është norma e inflacionit për çmimet e konsumit e parashikuar për Vitin e 2-të nga Banka e Shqipërisë ose INSTAT

- ERE do të përcaktoje faktorin X si përqindje vjetore e reduktimit në koston e shërbimit të lëngezimit të gazit natyror, që rezulton nga eficencia e shërbimit dhe përmirësimet në teknologji.
- Për periudhen e parë rregullatore faktori X do të jetë zero.

9.6 Operator i sistemit të GNL-së mund të paraqesi një kërkesë për aktivizimin e parametrin **Y** për të mbuluar kostot që rezultojnë nga ngjarje dhe ndryshime të jashtëzakonshme dhe të paparashikueshme nga Rregulatori. Operator i sistemit të GNL-së duhet të demonstrojë se këto kosto janë në rritje krahasuar me kostot aktuale të konsideruara në vitin bazë, po ashtu duhet të demonstrojë paparashikueshmërinë aktuale dhe natyrën e jashtëzakonshme të ngjarjeve të konsideruara; dhe të demonstrojë çdo aktivitet të ndërmarrë, kostot përkatëse në vitin bazë, si dhe aktivitetet shtesë që bëhen të nevojshme në zbatim të ndryshimeve të pritshme, qoftë ato dhe nga ndryshimet e Akteve Ligjore.

Neni 10

Investimet e reja lidhur me shtesat e kapacitetit të rigazifikimit

- 10.1 Për qëllimet e njohjes së investimeve të bëra në të ardhurat e kërkua, Operatorit të sistemit të GNL-së i cili parashikon të ndërtojë një kapacitet të rigazifikimit, i kërkohet të paraqesë një analizë kosto-përfitim të investimit tek ERE, të zhvilluar në përputhje me kriteret e përgjithshme të rregullores së paraqitjes dhe miratimit të planit të investimeve nga operatorët e transmetimit dhe shpërndarjes së gazit natyror dhe duke u mbështetur në udhëzimet e përcaktuara nga aktet rregullatore për vlerësimin e ndërhyrjeve të zhvillimit të rrjetit të transmetimit të gazit natyror.

ERE pas vleresimeve të këtyre investimeve do të vendosë nëse do të pranojë ose jo pëfshirjen e tyre në tarifë në mënyrë që të sigurojë qëndrueshmëri midis nivelit të shërbimit të kryer dhe nivelit të kthimit të njohur.

- 10.2 Për qëllime të llogaritjes së të ardhurave referuese për vitin e parë të shërbimit të rigazifikimit t, kompanitë llogarisin pjesët vjetore të të ardhurave në lidhje me kthimin e kapitalit neto të investuar dhe amortizimin ekonomiko-teknik bazuar vlerës së rritjes së kapitalit në lidhje me asetat fiksë në operim të reflektuara në pasqyrat financiare për vitin në të cilin është paraqitur propozimi për tarifa për periudhën **t-1**.

Neni 11

Llogaritja e tarifës për shërbimin e rigazifikimit

- 11.1 Në çdo vit të ciklit të shqyrtimit të tarifës, tarifa për shërbimin e rigazifikimit është e barabartë me:

$$T = (C \text{ kapitale} + C \text{ operative}) / S$$

T – tarifa e shërbimit të rigazifikimit e shpehur në lekë/m³ liquid LNG dhe lekë/kWh

S – sasia vjetore e kontraktuar shprehur në m³ liquid LNG dhe kWh

Neni 12

Aplikimi për tarifë

- 12.1 Bazuar në këtë metodologji, Operator i sistemit të GNL-së do të paraqesë në ERE një kërkësë për miratimin e tarifave të reja, jo më vonë se 6 muaj para hyrjes së tyre në fuqi.

- 12.2 Në aplikim, Operator i sistemit të GNL-së do të paraqesë në ERE të gjithë të dhënat e nevojshme për kostot e impiantit të GNL-së.

Neni 13

Kërkësat për Publikun

- 13.1 Operator i sistemit të GNL-së mbas marrjes së vendimit për fillimin e procedurave të shqyrtimit të aplikimit të tarifave të shërbimit të rigazifikimit, i licensuari njofton palët e

interesit në zbatim të përcaktiveve të “Rregullores për Organizimin, Funksionimin dhe Procedurat e ERE-s”.

13.2 Operator i sistemit të GNL-së publikon tarifat e shërbimit të rigazifikimit të miratuara nga ERE 15 ditë përpara hyrjes së tyre në fuqi, në përputhje me përcaktimet e pikës 8 të nenit 33 të Ligjit nr. 102/2015 “Për Sektorin e Gazit Natyror” i ndryshuar.

Neni 14 **Dokumentacioni**

14.1 Propozimi për tarifën e rigazifikimit të Operatorit të sistemit të GNL-së duhet të përmbajë:

1. Raportin e plotë të auditimit të pasqyrave financiare.
2. Një përshkrim mbi të ardhurat dhe shpenzimet për të gjithë periudhën e mbyllur ushtrimore si dhe:
 - a) shumën e të ardhurave të referencës Rr;
 - b) përbërësit shtesë të të ardhurave nëse rezultojne nga PF;
 - c) tarifat e referuara në nenin 10;
 - d) vlerën e kapacitetit teknik të impiantit;
 - e) kushtet tekniko-ekonomike për sigurimin e shërbimeve shtesë nëse parashikohet të ketë konsumin dhe humbjet në procesin e rigazifikimit të regjistruar, në termat e GNL-së dhe mundësia të energjisë elektrike, gjatë vitit paraardhës dhe përqindjes relative të GNL-së të shkarkuar në terminal;
 - f) konsumi i vlerësuar dhe humbjet në procesin e rigazifikimit, në termat e GNL-së dhe mundësia të energjisë elektrike, së bashku me detajet e kushteve të pritshmë të funksionimit të terminalit, të përcaktuara gjithashtu në bazë të të dhënavë historike dhe supozimeve të tjera përkatëse të konsideruara për qëllimet e vlerësimit.
 - g) detajet e kritereve të përdorura për të bërë ndarjen e mundshme midis:
 - i. sasitë e energjisë elektrike ose GNL-së të disponueshme për prodhimin e energjisë elektrike për funksionimin themelor të terminalit, duke marrë parasysh fuqinë mesatare të përdorur për funksionimin themelor të terminalit;
 - ii. sasitë e energjisë elektrike ose GNL-së të shoqëruara me konsumin dhe humbjet në procesin e rigazifikimit;
 - iii. listën e llogarive të unifikuara;
 - iv. pasqyrat financiare për vitin e testimit si dhe të periudhës aktuale;
 - v. krahasimin e kostove të lejuara dhe atyre të rezultuara;
 - vi. çdo dokument justifikues të shpezimeve të jashtëzakonshme apo që nuk kanë natyrë përsëritëse.
3. Përshkrim të hollësishëm të ndërhyrjeve të planifikuara dhe koston relative të investimeve të ndara sipas kategorisë së asteve.
4. Çdo rritje në kapacitetin e rigazifikimit kohët e vlerësuara për realizimin e këtyre investimeve.
5. Diferencën midis të ardhurave të lejuara dhe atyre të realizuara në fakt, për të mundësuar korrigimin e të ardhurave në periudhën pasardhëse.

Neni 15
Interpretimi

Në rast se, një çështje nuk është trajtuar në këtë Metodologji, ERE do të vendosë rast pas rasti dhe do të nxjerrë udhëzimet sipas kërkesave përkatëse.

Neni 16
Amendime të Metodologjisë

Kjo metodologji është objekt rishikimi me vendim të bordit të ERE-s, në përputhje me Ligjin nr. 102/2015 “Për sektorin e gazit natyror” i ndryshuar dhe “Rregulloren për Organizimin, Funksionimin dhe Procedurat e ERE-s”.

Neni 17
Dispozita Përfundimtare

- 17.1 Kjo Metodologji u miratua me vendimin e bordit të ERE-s nr. 229 datë 15.11.2021.
- 17.2 Kjo Metodologji hyn në fuqi pas publikimit në Fletoren Zyrtare.